

富順縣志

二十年十月

李永成題

富順縣志卷之四

廟壇

寺觀附祠卽廟之支流故不別目

名稱

地址

修建

勝蹟

附考

大祀

宋

三次

宮牆對翠屏山如展

在縣治東元

三次

榜然縣中

元

二記

至聖先師廟

明

九次

咸以爲是山之勝

明

四記

正向大南門清

六次

清

七記

光緒丁未

以前中祀

名稱屬

案歷代典制至聖廟古多稱孔子廟

史記及闕里志

或曰仲

尼廟

史記孔子世家

孔廟

北魏書高祖紀太和十三年

宣尼廟

宋書禮志

孔父

廟

隋書禮儀志

孔聖廟

唐皮日休請韓文公配饗太學書

文宣王廟

冊府元龜

唐大曆十三年

宣聖廟

闕里志宋淳化四年

夫子廟

宋歐陽修穀城縣夫子廟記

先

聖廟

闕里志元大德初

先師廟

明史太祖紀洪武十三年

文廟

明會典永樂八年

聖廟

清嘉慶五年嫌文廟之名與武廟為匹敵因改稱聖廟

參錯紛歧莫衷一

是近日祀孔典禮說因以稱孔子廟為最古而据以

定名然稱名雖古究嫌與後賢後儒等視末極欽崇

貴州遵義府志稱先師廟與大清會典同富順縣舊

志敘州府志稱文廟制緣公牘

嘉慶五年雖改稱聖廟公牘多仍習慣據

光緒三十二年禮部議覆大祀典禮摺可見

皆於名義不悖而漢儒所謂

經師僅在傳經授受孔子生民未有又不當僅以文

稱

明邱濬論之已詳

義似仍多未盡今謹遵四川通志稱至

聖先師廟與禮釋奠先聖先師之文較爲綜愜非敢

好異竊比折衷

修建屬

宋慶厯四年建

見四川通志

乾道元年知監史仝建題名

塔李曉撰記

見通志並富順段志

高宗紹興中知監蒲津關修

理宗寶慶中知監趙希益重修

元武宗至大四年知州任顯忠蓋補大成殿立戟門

置禮器籩豆壬子又修兩廡三門英宗至治元年縣

佐王納速建碑亭植兩廡欄楯構講堂順帝至正己

丑知州李奉元製禮器配位至正十一年知州蒲善

繼修建大成殿

上二條自高宗以下皆段志

案段志載元趙祖全記稱元自至元辛卯郡守蒲善

繼構正殿至大辛亥武略將軍任顯忠謂正殿滲漏

戟門未建遂計材鼎新塗蓋是蒲建正殿在任顯忠
前無疑段志於順帝至正己丑後書至正十一年知
州蒲善繼建大成殿則誤矣通志因之敘州府志又
沿之並於至治元年判官王納速增修下繼以十一
年知州蒲善繼增修云云而去至正字玩其文義一
似至治十一年則尤誤矣考元有兩至元世祖前至
元三十一年順帝後至元六年至元辛卯爲世祖二
十八年順帝辛卯爲至正十一年段繫蒲善繼於至
正十一年或者以後之辛卯與當前之辛卯而至元至

正則未嘗詳辨與新增

明洪武六年知縣鍾鉉修廟學及壇墀正統八年知縣李眞修大成殿及兩廡二十四楹增備祭器又同教諭曾衡於明倫堂南創建抱廳三間堂之內外皆甃以石戟門外泮池架石爲梁環以欄楯宣德七年縣丞李孟謙重建明倫堂天順三年知縣孫璠復修大成殿及兩廡戟門櫺星門明倫堂會饌廳成化八年知縣李嵩修學宮泮池成化末年知縣梁文修明倫堂展學地十丈造石香爐等器嘉靖二年知縣周

夔建明倫堂鑄立鐘鼓戟門外並建泮池嘉靖二十四年知縣嚴清修名宦鄉賢祠崇禎十年知縣貢其志修文廟兩廡及明倫堂文昌閣名宦祠鄉賢祠奎星樓射圃鯉門泮池龍池

段志

案四川通志嘉靖二十四年知縣嚴清增修下有二十八年教諭韓彥清加修會省吾有記十六字爲段志所無彥清傳亦不載此事今考段志所載會省吾儒學題名記文自始至末均叙教職一官關係甚重與勒石題名之意并無一語及韓修葺之事通志所云蓋誤縣貢其志增修段志載崇禎十年通志改作四年亦誤

清康熙二十一年知縣錢紹隆修大成殿明倫堂四

十四年知縣滿雲鵬修復兩廡四十八年知縣錢經
紳修名宦鄉賢祠雍正六年知縣俞起運修補大成
殿兩廡乾隆二十年知縣熊葵向修砌圍牆重建大
成殿兩廡併砌月臺聖道規制增舊

段志

道光十六年知縣鄧仁堃勸諭改建例貢生蕭永昇
獨肩其任歷四載始成費制錢三萬二千餘緡自崇
聖祠大成殿月臺兩廡戟門更衣祭器所下至櫺星
門名宦鄉賢祠禮門義路泮池橋欄宮牆外賢關聖
域門皆高廣堅緻踰舊數倍

據邑志

光緒中邑紳劉宣劉紹祖等釀貲籌置樂器又倡設
樂器歲修會並置田業二十二年知縣江仁棣同邑
紳陳淵等重葺三十三年升孔子爲大祀詔殿廡牆
垣通用黃瓦崇聖祠亦一例辦理先是乾隆三年詔
文廟大成殿大成門均易黃瓦餘尙覆綠瓦邑紳張
崇仁劉紹祖等募金更易兼拓露臺至宣統初始成
事

又二十二年邑紳張世芳蕭煜等稟縣通詳上憲將
兩姓先世所捐小學田業二處提出永備聖廟歲修

他項不得挪用

廟制 正中爲大成殿殿外爲丹墀墀左右列東西

階階下左右列東西廡前爲大成門即戟門外左右

爲更衣祭器所所之下爲名宦鄉賢祠明洪武二年始詔文廟附

祀名宦前築石柱爲櫺星門門外爲泮池段志泮池地在櫺星

門內蓋時池外繚以紅牆牆左右列聖域賢關二門

池左右爲禮門義路各下馬碑一上新增

至聖先師孔子神位居中南向木主舊用朱地金書

光緒末年升大祀改用金地青書木主尺寸定式載四川通志新

增

至聖像石刻在崇聖祠後唐吳道子寫後改木刻

段志

元趙祖全有記謂係南宋紹興十五年秋八月辛巳餘杭成均石刻

崇聖祠

在大成殿後舊稱啟聖祠雍正元年改稱

段志

崇聖祠壁

嵌明尙書甘爲霖富順十景五律十首刻石由城南朝聖樓壁移置

櫺星門舊用木宏治中知縣梁文始易以石

附考屬

節錄元訓導趙祖全記

記曰凡學春官釋奠於其先師至漢儒始有先師先聖之

祀然漢之學校郡縣雖設而孔子之廟不出闕里明
帝始詔郡縣祀孔子於學而廟制未之見也唐興始
命國子監立孔子廟貞觀詔天下州縣皆立孔子廟
元白至元辛卯郡守蒲善繼構正殿至大辛亥武略
將軍任顯忠謂學校風化所基而正殿滲漏禮器不
修戟門未建講堂尙虛遂計材鼎新塗蓋置籩豆壘
爵一百餘又明年而修兩廡三門至治元年縣佐王
納速實來判是郡追美兩侯建御書碑亭植欄於兩
廡構講堂於舊基猗與三君之於廟學也可謂盡心
焉耳矣

節錄趙祖全再記

廟學圯於泰定乙丑之水泛流湍悍基址崩摧僅存三門至正己丑

夏奉元李侯被命守邦閱視殿宇門廡器皿供具虧
缺按古禮器圖無銅鑄之儀遂命竹工木工因圖製
成竹籩木豆及俎凡二百九十五更造正配位凡五
從祀凡十二甫畢工適丁秋祀躬視殺牲器皿盥滌
埽除籩豆有楚穀核惟旅率僚屬同寅協恭嚴潔環
而觀者莫不咨嗟驚歎至是秩滿將代莫不願紀其

實於堅珉以爲後憲

節錄明主事汪回顯記

學校有司之首務正統癸亥關內李真子誠來視篆三日

首謁廟學目其挺者摧覆者缺廉者墮植者仄色者污輒慨然曰是皆有司之責期年之間百廢肇舉以殿宇邃深不暇改作則隆其棟桷之下壓者鱗其覆瓦之缺壤者兩廡撤舊圖新東西凡二十四楹丹堊藻繪舉以法復圖從祀於廟兩廡暨位凡一百有九循令典也至若籩豆罍爵供祀之器亦筠之木之陶之罔不備舉又偕教諭曾衡於明倫堂南創建抱廳三間皆極軒敞堂之內外並焚以石堂之下有雁塔壁於宋乾道初字畫漫漶不可辨乃琢石重鐫並續於武以來舉人進士名於其上以勵學者又於熹星門內濬池爲泮架石爲梁而環以欄楯凡可以致力於學校者靡不悉心爲之

節錄知縣孫璠記

天順紀元予以不才來知縣事生員陳表等累以文廟傾頽爲言予

方欲經營以舉其事異塗同宦者從而挾主之事將
寢適侍御王公用憲副高公澄維持其際力勉爲之
邑人熊福能輩慨然捐資來助興工間橫逆之民又
復迭相誣過子則以爲孔子乃萬世師學校實育賢
之地封章上聞特獲俞允於是命匠市材半載之間
落成大成殿視舊加以層檐而高廣增三之一兩廡
儀門則撤腐換新櫺星門則別爲改造明倫堂會饌
廳則仍前制而加修葺棟宇楹龕金碧焜耀事竣眾
皆請子爲記子故直序其興廢之由如此

節錄尙書長甯周洪謨記

四川郡縣學百有三十餘處而人才之多風化之盛

未有過於富順者也予嘗參稽宋輿地紀勝寰宇記
元大統志諸書以修郡志是以知之迨至國朝士之
登甲第以出身爲尙書任侍郎列朝署官藩郡者咸
有其人是雖本於大化陶冶之功要亦有司勸化之
力往歲李君朝用卽李嵩嘗葺廟學令尹梁君
光輔卽梁文以名進士繼之畢其所未畢櫺星

門以石易木爵盞以銅易錫展學地若干丈貲費若干百立育才坊叢桂坊造石香爐凡既備矣乃來求記於予予惟學制講道有堂肄業有齋會膳有房習射有圃堂之前建大成殿及大成門及左右兩廡先聖四配十哲及門弟子歷代名儒像凡百有二十五春秋必祀朔望必謁後進之游乎此者晨夕密邇宮牆之下恍然如親炙於杏壇之上豈可聚談曠日而已哉

案段志載成化八年知縣李嵩修學宮泮池有記成化末年知縣梁文展修但附載周洪謨記而不言梁別有記周記稱往歲李君嘗葺廟學梁君以名進士繼之畢其所未畢是段志有記卽指周記而言四川通志乃云成化八年李嵩修學宮泮池有記末年知縣梁文增修周洪謨有記則使人疑爲二記矣通志誤敘州府志同

節錄瀘州進士曾璵泮池頌序

泮水頌頌周侯也曷爲頌周侯修泮水頌